

Bankning huquqlari:

- "Omonatchi"ning hisobvarag'idagi pul mablag'lari qoldig'i o'zgartirganda (kirim va chiqim amaliyotlari bo'lganda) omonatchiga omonat qoldig'i to'g'risida uyali aloqa telefoniga bepul bo'lgan "SMS-xabar" xizmati orqali xabardor qilish uchun bank omonatchining uyali aloqa telefoni raqamini, zaruriy hollarda uy telefon raqamini so'rab olish huquqiga ega.
- "Omonatchi" yoki uning qonuniy vakillaridan hisobvaraqlar ochish hamda amaliyotlarni bajarishda shaxsini aniqlash uchun shaxsini tasdiqlovchi hujjatni ko'rsatilishini talab etish hamda uning nusxasini olish huquqiga ega. Zaruriy hollarda qonunda ko'zda tutilgan boshqa qo'shimcha hujjatlarni talab qilishga haqli.
- "Bank" "Omonatchi" yoki uning vakillari topshirig'iga binoan bankning omonat hisobvarag'ida turgan pul mablag'lari bilan bank operatsiyalari bo'yicha amalga oshirilgan xizmatlar uchun taraflarning qo'shimcha kelishuviga muvofiq bank Tarifiga asosan vositachilik haqi undirish huquqiga ega.
- Talab qilib olinguncha saqlanadigan omonatlar bo'yicha 1 yil davomida, jamg'arma va muddatli omonatlarning muddati tugagandan keyin 1 yil davomida foizlar hisoblanishidan tashqari hech qanday operatsiyalar amalga oshirilmagan omonatlar bo'yicha "Bank" omonat hisobvarag'i chiqim operatsiyasiga ta'qiq qo'yish huquqiga ega.
- Omonat bo'yicha shubhali va gumonli operatsiyalar amalga oshirilganda "Tijorat banklarida jinoiy faoliyatdan olingan daromadlarni legallashtirishga, terrorizmni moliyalashtirishga va ommaviy qirg'in qurolini tarqatishni moliyalashtirishga qarshi kurashish bo'yicha ichki nazorat qoidalari"(ro'yxat raqami 2886, 2017 yil 23 may) talablariga asosan tuzilgan shartnoma shartlari bir tomonlama bank tomonidan to'xtatilib turiladi hattoki omonat shartnomasini bir tomonlama bekor qilishi ham mumkin.
- "Bank" norezident jismoniy shaxslar omonat hisobvaraqlaridan bir oyda 10 ming AQSH dollari va 1 yilda 120 ming AQSH dollaridan oshmagan miqdorda naqd valyuta yechib olish bo'yicha cheklov o'rnatish huquqiga ega.
- "Bank" norezident jismoniy shaxslar bank karta hisobvaraqlariga bir oyda 10 ming AQSH dollari ekvivalentidan yuqori miqdorda pul mablag'larini kirim (naqd yoki naqdsiz) qilinyotganda, ushbu pul mablag'larining manbasini qonuniyligini tasdiqlovchi hujjatlarni talab qilish huquqiga ega.

Bankning majburiyatlari:

- Bank "Omonatchi"ni omonat turi, shart va qoidalari bilan tanishtiradi.
- Ushbu shartnoma imzolangan kuni "Omonatchi"ga omonat mablag'larini saqlash uchun hisobvaraqlar ochadi va ushbu hisobvaraqlarda hisobini yuritadi.
- Ushbu hisobvaraqlar bo'yicha omonat mablag'lariga foizlarni hisoblash, ushbu omonat turi qoidasidagi shartlar asosida amalga oshiradi.
- Bank "Omonatchi"ning birinchi talabiga asosan omonatdagi pul mablag'larini to'liq hajmda foizlari bilan birga qaytarilishini ta'minlaydi hamda omonatning qaytarilishi ta'minlanganligi to'g'risida axborot berish majburiyatini oladi. Agar "Omonatchi" muddatli omonatni saqlash muddati tugamasdan qaytarib olishni mo'ljallayotgan bo'lsa, mo'ljallanayotgan sanadan kamida bir oy oldin xabardor qilgan hollarda, "Bank" tomonidan omonat mablag'ini qaytarilishini ta'minlaydi.
- O'zbekiston Respublikasining amaldagi qonunchiligiga muvofiq omonatni sir saqlanishini ta'minlaydi. Qonun hujjatlarida maxsus nazarda tutilgan hollardagina, omonatga aloqador ma'lumotlar uchinchi shaxslarga Omonatchining rozilgisiz berilishi mumkin.

- O'zbekiston Respublikasi Markaziy bankning me'yoriy hujjatlariga muvofiq omonatga foizlar kunlik hisoblanib, bir yil uchun 365 kunga hisoblanadi, ya'ni foizlar oylik hisoblanganda omonatga qo'yilgan muddat davrida o'sha oylar necha kundan iborat bo'lsa shuncha kunga hisoblanadi.

- Omonat summasiga foizlar omonat mablag'i bankka tushgan kunning ertasidan boshlab, to u omonatchiga qaytarilgan yoki boshqa asoslarga ko'ra omonatchining hisobvarag'idan o'chirilgan kundan oldingi kungacha bo'lgan davrga hisoblanadi. "Omonatchi"ning hisobvarag'i xatlanganligi oqibatida bank ushbu hisobvaraqdagi pul mablag'laridan foydalana olmagan davr uchun foizlar hisoblanmaydi yoki yozilmaydi.

- "Bank" tomonidan omonat mablag'larini "Omonatchi"ga yoki qonuniy vakiliga faqatgina, ushbu hisobvaraqq bo'yicha berilgan omonat daftarchaga muvofiq, omonat daftarcha yo'qolgan hollarda omonat daftarcha yo'qolganligi to'g'risidagi arizasiga muvofiq hamda "Omonatchi" tomonidan bank tarifiga asosan yo'qotilgan omonat daftarchaning jarimasini to'lagandan so'ng, "Omonatchi" yoki qonuniy vakili tomonidan shaxsini tasdiqlovchi hujjat ko'rsatilganda to'lab beriladi.

Omonatchining huquqlari:

- Pul mablag'larini omonat hisobvaraqlarida saqlash uchun "Bank" tomonidan jismoniy shaxslarga taklif etilgan omonat turlarining qoidalari bilan tanishib chiqish huquqiga ega.

- "Omonatchi" omonat hisobvarag'iga naqd pul yoki naqd pulsiz shakllar (omonat turining shart qoidasida nazarda tutilgan bo'lsa)da mablag'larini kiritishi, hisobvaraqdan pul mablag'larini chiqim qilib olishi hamda arizasiga asosan naqd pulsiz shaklda boshqa hisobvaraqlarga o'tkazishi mumkin.

- "Omonatchi" hisobvaraqqa pul mablag'larini kiritgandan so'ng, belgilangan tartibda rasmiylashtirilgan omonat daftarchani olish huquqiga ega.

- Omonatga qo'yilgan mablag'larni o'zi yoki qonuniy vakili orqali O'zbekiston Respublikasining amaldagi qonunchiligiga muvofiq tasarruf etishi, shuningdek bankdan omonatlari to'g'risidagi ma'lumotlarni og'zaki, yozma va uyali aloqa telefonidan "SMS-xabar" shaklda olishga xaqli.

- Omonatning saqlash muddati tugaganda, ushbu shartnomada ko'rsatilgan shartlarga muvofiq, omonat hisobvaraqdan pul mablag'larini unga hisoblangan foizlar bilan birga to'liq hajmda olish huquqiga ega.

- "Omonatchi" bankdan kredit olganda, shartnomaga taraflarining qo'shimcha kelishuviga asosan omonatga qo'yilgan mablag'lar va unga hisoblangan foizlar hisobidan mazkur kredit qarzdorliklarini qoplash huquqiga ega.

- Omonatni tasarruf etish uchun "Omonatchi" xohlagan shaxsga bank hisobvarag'idan bir marta yoki bir necha marta pul olish, omonat bo'yicha hisoblangan foizlarni va omonat summasini to'liq olish yoki omonatni qayta rasmiylashtirish hamda boshqa turdagi omonatga o'tkazish amaliyotlari uchun "Ishonchnoma" berishi yoki vasiyatnoma rasmiylashtirish huquqlariga ega.

Omonatchining majburiyatlari:

- Pul mablag'larini omonatda saqlash uchun omonat turlarining Axborot varaqasida ko'rsatilgan shart-qoidasi bilan tanishib chiqqandan so'ng, "Omonatchi" omonat bo'yicha rasmiylashtiriladigan hujjatlarga o'zining husnixati bilan yozishi va imzosi bilan tasdiqlashi shart.

- Omonat hisobvaraqq ochish uchun "Bank"ga shaxsini tasdiqlovchi hamda boshqa zaruriy hujjatlarni taqdim etadi. Omonatchi yoki uning vakilini shaxsini tasdiqlovchi hujjatlarda o'zgarishlar bo'lganda, bu haqda bankni xabardor qiladi.

- “Omonatchi” yoki uning qonuniy vakillari topshirig‘iga binoan omonat hisobvarag‘ida turgan pul mablag‘lari bilan bank operatsiyalari bo‘yicha amalga oshirilgan xizmatlar uchun bank Tarifiga asosan vositachilik haqini to‘laydi.
- Olingan omonat daftarchani yaxshi holatda saqlashi, yo‘qotilgan hollarda bu haqida “Bank”ga yozma ravishda xabar berishi shart.
- Omonatni saqlash muddati tugamasdan olish istagi bo‘lsa, “Bank”ni omonatni olishni mo‘ljallanayotgan sanadan kamida bir oy oldin xabardor qilishi shart.
- “Omonatchi” amaldagi qonun hujjatlariga to‘liq rioya etgan holda omonat mablag‘larini shaxsan o‘zi, vakili yoki uchinchi shaxslar orqali “Bank”ning omonat kassalariga topshirishi shart. Omonatchi uchinchi shaxslarga omonat bo‘yicha hisobvara to‘g‘risida zarur ma‘lumotlarni berish bilan ulardan pul mablag‘larini olishga rozi bo‘lgan deb hisoblanadi.
- Omonatni qabul qilish vakolatiga ega bo‘lmagan “Bank”ning mas‘ul shaxslariga omonat bo‘yicha hujjatlarni rasmiylashtirmasdan pul mablag‘larini topshirish qat‘iyan taqiqlanadi.